



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
JAVNA USTANOVA OSNOVNA ŠKOLA "NOVI GRAD"
T U Z L A
Dr.Ivana Ribara br.17
Tel. 035/250 – 851; 250 – 852

Broj: 612/2020

Datum: 08.05.2020. godine

Na osnovu člana 58. Zakona o osnovnom odgoju i obrazovanju ("Službene novine Tuzlanskog kantona" broj: 9/15, 6/16 i 14/18), člana 66. Pravilnika JU Osnovne škole „Novi Grad” Tuzla, člana 5. Pravilnika o utvrđivanju Kriterija i načina izbora učenika generacije osnovne škole („Sl.Novine TK“ br. 4/13), Nastavničko vijeće na sjednici održanoj dana 08.05.2020. godine, raspisuje

O G L A S
ZA IZBOR UČENIKA GENERACIJE
za školsku 2019/2020. godinu

I

Pravo na prijavljivanje imaju svi učenici završnog (devetog) razreda koji ispunjavaju sljedeće uslove:

- a) da je u toku školovanja imao odličan uspjeh u svim razredima (minimalan prosjek općeg uspjeha u svakom razredu 4,8),
- b) da je u toku školovanja imao primjerno vladanje,
- c) da je u toku školovanja imao zapažene rezultate u slobodnim aktivnostima, takmičenjima, smotrama i drugim vannastavnim aktivnostima.

II

Učenici koji ispunjavaju navedene uslove dužni su sekretaru škole dostaviti sljedeću dokumentaciju:

1. Dokaz o odličnom uspjehu u učenju i vladanju u toku školovanja
2. Dokaz o uspjehu na takmičenjima iz pojedinih nastavnih predmeta, smotrama, izložbama i sportskim takmičenjima
3. Dokaz o rukovođenju odjeljenskom zajednicom
4. Dokaz o rezultatima postignutim u vannastavnim aktivnostima
5. Dokaz o završenim kursovima (npr. informatike, stranih jezika i sl.)
6. Dokaz o završenoj paralelnoj školi

III

Izbor učenika generacije vrši Komisija za izbor učenika generacije imenovana Odlukom Nastavničkog vijeća broj: 478/2020 od 04.05.2020. godine u skladu sa Pravilnikom o utvrđivanju Kriterija i načina izbora učenika generacije osnovne škole („Sl. novine TK“ br. 4/13).

IV

Elementi koji se vrednuju pri rangiranju kandidata za učenika generacije su:

- a) uspjeh u učenju i vladanju u toku osnovnog školovanja,
- b) aktivnosti i doprinosi u radu sekcija škole,
- c) uspjeh na takmičenjima u znanju iz pojedinih nastavnih predmeta, na konkursima, revijama, smotrama, izložbama i sportskim takmičenjima,
- d) rukovođenje odjeljenskom zajednicom,
- e) rezultati postignuti u vannastavnim aktivnostima,
- f) vanškolske aktivnosti, volontiranje (sportske, kulturne, društvene, humanitarne aktivnosti, te rad u nevladinim organizacijama),

- g) kursevi informatike, stranih jezika i slično,
- h) završena paralelna škola.

V

Prilikom vrednovanja za izbor učenika generacije u obzir se uzimaju rezultati u radu sekcija predviđenih Godišnjim programom rada u školi, takmičenja u znanju i stvaralaštvu iz pojedinih nastavnih predmeta i osvajanja nagrada na takmičenjima, učešće i osvajanje nagrade na konkursima likovnog, muzičkog, jezičkog i tehničkog stvaralaštva, te sportskim aktivnostima provedenim u organizaciji škole, Pedagoškog zavoda Tuzlanskog kantona, Ministarstva obrazovanja i nauke Tuzlanskog kantona, te općinskih, kantonalnih, federalnih, državnih i međunarodnih organizacija koje se bave pitanjem odgoja i obrazovanja učenika.

VI

Oglas ostaje otvoren sedam dana od dana objavljivanja na Oglasnoj ploči škole.

PRILOG: Pravilnik o utvrđivanju Kriterija i načina izbora učenika generacije osnovne škole („Sl. novine TK“ br. 4/13)

*Dostavljeno:
2x Oglasna ploča škole
1x Evidencija
1x Arhiva*

Direktorica škole

Jogunčić Sabina